

亥21

7943-2

醫藥叢書

第三集
第二種

吳氏醫案卷三



中華民國十年冬月鐫版定價每冊

吳氏醫案卷二

紹興醫藥學報社發行



吳氏
版藏紹
興裘氏

紹興醫藥學社



南京中医药大学图书馆版权所有

醫學叢書三集序

吳鳳策題

嘗思中華文明肇自三墳伏羲易經神農本經黃帝內經三皇之書卽三墳也而其中論醫藥者實居其二誠以上古聖神君相莫不以醫藥活人爲首圖故其開天闢地之著作嘉惠後世流澤無窮後世果奉爲規臬莫不立起沈痾救人無算若周之越人漢之仲景晉之叔和唐之思邈繼往開來醫術昭著史冊彰彰可考也自唐迄今良醫世出祖述憲章與古爲新偶有著述其精到之處皆可與本經內經相發明故其留於墨楮間者皆可寶貴也乃自西學東漸競尙新奇本經內經猶欲弁毛棄之何況後世之著述乎然西人之於臟腑論形迹而不論氣化知作用而不知性情故臨證囿於局部而無隔一隔二之治法使習醫者輕棄舊日國粹而徒尙西法其於醫學實無盡善盡美之一日此事僕敢斷言也紹興吉生裘君當世哲學士也慨然以振興醫學爲己任召號同志創立醫藥學報社出報兩種已風行遠近而復廣搜近世之精粹醫書或爲

專家藏本或爲名賢貽稿彙爲醫學叢書初集二集所選各六種已鏤版行世至三集遴選亦六種其研經言吳氏醫案周氏集驗方惜分陰軒醫案皆續前編所未畢外此有葉氏醫案係葉香巖晚年所著張氏白喉證治通攷係錢塘張純庵潤喉證之危險旁搜博採參以己意輯爲成書二種皆佳編也因付梓工將告竣馳書命僕作序僕乃落拓布衣耳學淺才疏伏處衡茅卽大聲疾呼何能取重當世然而區區寸衷固與裘君有同志焉夫氣數之循環無往不復吾中華醫學神聖創垂如日月經天一時或掩於雲霧終當長昭於萬古裘君集此叢書之意以爲其速傳於世也洵可爲當世之幸福其不能速傳於世也可爲後世之剝果蒙泉有如魯壁古經當斯文絕續之交而倍覺寶貴已僕願自今以往其重中法者固可奉斯書爲準繩卽重西法者亦宜備此書爲參攷迨至醫學進化中西滙通人人知此書爲必需之書而後裘君之心乃大白於天下

辛酉仲夏愚弟張錫純壽甫氏敬序於奉天立達醫院

醫藥叢書第三集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝為完全藏書格式且為完全國貨最貴
一是集所採各書共計六種皆為極有價值之書閱者自能賞鑑其亦六種
一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望惟票外贈
一是書無論統購全集或指購單種除附印另議外照定價均無折扣但書業
報社代售者不在此例
一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻

刻

一購書者將書價及郵費一併用郵匯最為妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書目研經言吳氏醫案惜分陰軒案四集徐批葉氏晚年醫案四種繼續前集外餘為讀有用書樓藏書醫家類簡目激廬醫話其亦六種幅頁較前加增定價仍每部一元六角外埠加郵力一角六分惟因紙價昂貴不售預約

醫藥叢書第三集總目

第一種 莫枚士研經言卷三

第二種 吳氏醫案卷三

第三種 惜分陰軒醫案三集

第四種 葉天士晚年醫案卷上

第五種 周氏集驗方續編

第六種 張氏白喉證治通攷



吳鞠通先生醫案

卷三

目錄

頭痛

胃痛

脾胃

噎食

嘔吐

反胃

噦噎

咳嗽

肺癰

失音

水氣

寒溼


痺

痰飲

又冒

脚氣

脚氣



癰疽疔毒

卷三

吳鞠通先生醫案卷三

後學 高德僧汝賢重錄
裘吉生慶元校刊

頭痛

乙丑三月 趙氏五十六歲 六脈弦而邊巔頂痛甚下連太陽陽虛內風眩動之故
初八日

桂枝 六錢 生黃耆 六錢 生薑 五錢 白芍 三錢 全當歸 一錢

大棗 三枚 炙甘草 三錢 川芎 一錢 膠飴 五錢

初十日 陽虛頭痛愈後用著建中

桂枝 四錢 生縣耆 五錢 生薑 三片 白芍 六錢

大棗 三枚 炙甘草 三錢 膠飴 五錢

季 少陽頭痛本有損一目之弊無奈盲醫不識混用辛溫反助少陽之火甚

至有用附子之雄烈者無怪乎醫者盲致令病者亦盲矣況此病由於伏

吳氏醫案

頭痛

一



暑發瘧瘧久不愈抑鬱不舒而起肝之鬱勃難伸肝愈鬱而膽愈熱矣現

在仍然少陽頭痛未罷議仍從少陽膽絡論治

刺蒺藜 五錢 麥冬 不去心 三錢 茶菊花 三錢 羚羊角 三錢 苦桔梗 三錢

鈎藤鈎 三錢 丹皮 三錢 青箱子 二錢 苦丁茶 一錢 麻仁 三錢

生甘草 一錢 桑葉 三錢

乙丑十月 陳 三十歲 少陽風動又襲外風爲病頭偏左痛左脈浮弦而數大於

右脈一倍最有損一目之弊議急清膽絡之熱用辛甘化風方法

羚羊角 三錢 丹皮 五錢 青箱子 二錢 苦桔梗 三錢 茶菊花 三錢

鈎藤鈎 二錢 薄荷 二錢 刺蒺藜 二錢 生甘草 一錢 桑葉 三錢

水五盃煮取兩盃分二次服渣再煮一盃服

廿五 於前方內減薄荷一錢四分加 木賊草 一錢 麤仁 三錢

頭痛眼蒙甚日三帖少輕日二帖



十一月於前方內加 薤仁 白茅根 麥冬

乙酉四月 章 四十 衄血之因由於熱行清道法當以清輕之品清清道之熱

無柰所用皆重藥至頭偏左痛乃少陽膽絡之熱最有損一日之患豈熟地桂附鹿茸所可用悖謬極矣無怪乎深痼難拔也勉與清少陽膽絡法

當用羚羊角散以無羚羊故不用

苦梗 一兩 桑葉 一兩 連翹 八錢 銀花 八錢 丹皮 八錢 薄荷 二錢

茶菊花 一兩 鉤藤鈎 六錢 白蒺藜 四錢 苦丁茶 三錢 甘草 四錢

其為極細末每服二錢日三次每服白扁豆花湯調外以豆漿一擔熬

至碗許攤貼馬刀患處以化淨為度 必須鹽滷點之做豆腐 水並非可吃之豆腐漿

廿七 復診症見小效脈尚仍舊照前清少陽膽絡方再服二三帖俟大效後再

議如此時無扁豆花為引改用鮮荷邊煎湯為引亦可

五月初二日 少陽絡熱誤用峻補陽氣以致頭目左畔麻木發癢耳後癰腫發為馬

吳氏醫案 頭痛



刀現在六脈沈洪而數頭目中風火相煽前用羚羊角散法雖見小效而不能大愈議加一煎方暫清腦戶之風熱其散方仍用勿停

苦桔梗 三錢 生黃芩 三錢 茶菊花 三錢 側柏葉炭 三錢 炒蒼耳子 一錢

連翹 連心三錢 桑葉 三錢 辛夷 一錢五分 鮮荷葉 去蒂一張 黑山梔 五枚 大便秘 去山梔

六月初五日 細閱病狀由少陽移熱於陽明 生石膏 一兩 知母 三錢 葛根 三錢

十二日 偏頭痛係少陽膽絡病醫者誤認為虛而用鹿茸等峻補其陽以致將少

陽之熱移於陽明部分項腫牙痛半邊頭臉腫痛目白睛血赤且閉不得開如溫毒狀舌苔紅黃六脈沈數有力議與代賑普濟散急急兩清少陽

陽明之熱毒

無代賑普濟散 十包每包五錢用鮮蘆根煎湯水二盃煮成一盃去渣

先服半盃其下半盃含化得稀涎卽吐之一時許再煎一包服如上法

十六日 舌黃更甚脈猶數腫未全消目白睛赤縷自下而上其名曰倒垂簾治在

陽明不比自上而下者治在太陽也

代賑普濟散 每日服五包嘔下大半漱吐小半每包加生石膏三錢

煎成一小碗服二日外以連心麥冬一兩分三次煎代茶

十八 今日偏頭痛甚且清少陽之絡其消腫之普濟散加石膏午前服一包餘

時服此方

羚羊角 一錢 連翹 一錢 刺蒺藜 六分 凌霄花 一錢 鈎藤鈎 六分

茶菊花 一錢 銀花 一錢 苦桔梗 八分 冬霜葉 一錢 生甘草 四分

犀角 八分 丹皮 一錢 兩盃半水煎一盃頓服之日三帖

二十 大便結加 元參 一錢 唐則去之

廿三 經謂脈有獨大獨小獨浮獨沈斯病之所在也茲左關獨大獨浮膽陽太

旺清膽絡之熱已服過數十帖之多而膽脈尙如是之旺絡藥輕清上浮服至何日得了議膽無出路借小腸以爲出路小腸火腑非苦不通暫與



極苦下奪法然此等藥可暫而不可久恐化燥也

洋蘆薈 二錢

麥冬 連心 五錢

川連 二錢

胡黃連 二錢

龍膽草 二錢

丹皮 五錢

秋石 一錢

廿六

前方服二帖左關獨大獨浮之脈已平續服羚羊角散一天代賑普濟散

一天目之赤縷大退其耳前後之馬刀堅硬未消仍服代賑普濟散

七月初一日

脈沈數馬刀之堅結未化少陽陽明經脈受毒之處猶然繃扯板滯議

外面改用水仙膏敷患處每日早服羚羊角散一帖已午後服代賑普濟

散四包

初九日

服前藥喉嚨較前甚為清亮舌苔之黃濁去其大半脈漸小仍數裏症日

輕是大佳處外症以水仙膏拔出黃瘡若許毒氣尚未化透仍須急急再敷務期拔盡方妙至於見功遲緩乃前人誤用峻補之累速速解此重圍非旦晚可了只好盡耐性情寬限令其自化太緊恐致過剛則折之虞前

羚羊角散每日午前服一帖午後服代賑普濟散四包分四次再以二三包煎湯漱口以護牙齒

十七日數日大便不爽左脈關部復浮瘡口痛甚再用極苦以瀉小腸加芳香清

絡定痛

生大黃

酒炒黑三錢

龍膽草

三錢

乳香

三錢

歸尾

三錢

沒藥

二錢

洋蘆薈

二錢

胡黃連

三錢

銀花

五錢

川連

二錢

秋石

三錢

煮三小盃分三次服得快大便一次即止

十八日馬刀雖潰少陽陽明之熱毒未除兩手關脈獨浮膽氣太旺與清少陽陽

明絡熱之中兼疏肝鬱軟堅化核

苦桔梗

三錢

金銀花

三錢

夏枯草

三錢

生香附

三錢

連翹

三錢

冬霜葉

三錢

凌霄花

三錢

茶菊花

三錢

粉丹皮

五錢

海藻

三錢

廿五日馬刀以誤補太重而成爲日已久一時未能化淨以畏疼停止水仙膏之

吳氏醫案

頭痛

四

